

SAOPŠTENJE ZA JAVNOST

PODRŠKA RADU MEDICINSKIH SESTARA-TEHNIČARA U ZAJEDNICI U BIH

15.05.2020

Sredstvima Vlade Švicarske, Projekat jačanja sestrinstva u BiH je obezbijedio pomoć u vidu lične zaštitne opreme i dezinfekcionih sredstava za patronažne sestre u 16 domova zdravlja. Organizovaće se i edukacija o specifičnim postupcima u vrijeme epidemije te psihološka podrška za medicinske sestre.

Značaj usluga koje pružaju medicinske sestre/tehničari je tokom pandemije COVID-19 postao očigledniji nego ikada prije. Blizu 300 patronažnih sestara/medicinskih sestara-tehničara porodične medicine u zajednici u 16 opština koje podržava Projekat jačanja sestrinstva u BiH (ProSes), nastavljaju u kućnim posjetama pružati usluge svojim pacijentima, prvenstveno najugroženijim osobama. Da bi mogli nastaviti raditi u punom kapacitetu tokom postojeće krize, neophodna im je adekvatna zaštita.

ProSes je obezbijedio jednokratnu pomoć u vidu zaštitne opreme u vrijednosti od 64.225 KM za patronažne sestre u 16 domova zdravlja sa kojima ima uspostavljenu saradnju, i to u Banjaluci, Bijeljini, Brčkom, Doboju, Derventi, Livnu, Mostaru, Odžaku, Stari Grad Mostar, Orašju, Prijedoru, Prnjavoru, Tomislavgradu, Tuzli, Zenici i Vitezu. Paket zaštitne opreme uključuje zaštitna odijela, kape, rukavice, maske, zaštitu za obuću, te sredstva za dezinfekciju ruku. Pored toga, projekat je nabavio i zaštitne vizire koje je besplatno izradio Univerzitet u Zenici (uz podršku USAID-ovog programa „Bosnia and Herzegovina Resilience Initiative“ (BHRI) koji implementira Međunarodna organizacija za migracije (IOM)).

Sva oprema biće isporučena domovima zdravlja od 15-22. maja 2020.godine.

I pored uloženog truda i doprinosa nadležnih institucija, postoji potreba za dodatnom zaštitnom opremom, jer svaka kućna posjeta zahtijeva korištenje novog kompleta opreme da bi se spriječilo potencijalno prenošenje virusa iz jednog u drugo domaćinstvo ili u dom zdravlja. Adekvatnom zaštitom medicinskih sestara spriječava se mogućnost njihovog inficiranja i oboljevanja, koje bi moglo dovesti do toga da nema dovoljno zdravstvenih radnika da se brinu o potrebama stanovništva.

Pandemija COVID-19 je novo iskustvo za zdravstvene radnike. Zbog toga, patronažnim sestarama će biti obezbijedena edukacija putem video materijala i online obuke. Onima koji su iskazali potrebu, u narednom periodu pružiće se i psihološka podrška u saradnji sa Projektom mentalnog zdravlja u BiH.

Projekat jačanja sestrinstva u BiH od 2012. godine intenzivno pruža podršku relevantnim partnerima u oblasti regulisanja sestriinske profesije, standardizacije usluga, obrazovanja medicinskih sestara i jačanja strukovnih udruženja. **Projekat finansira Vlada Švicarske a provode Fondacija fami (BiH) i Ženevske univerzitetske bolnice.**

Kontakt osoba:

Fondacija fami-Projekat jačanja sestrinstva u BiH, Ines Katić-Vrdoljak, +387 61 222 798,

ines@fondacijafami.org

